

جریبہ عدلیہ

آلہجی سنہ

۹ ذی القعدہ ۱۳۳۳ ۵ ایلول ۱۳۳۱

نومرو ۱۳۹

جمعہ ایرتسی

قائمہ سرکاری

نوبہات عدلیہ

حلب ولایتی مرکزہ مجدداً تشکیل اولنان ایکنجی صنف صلح حاکمکنہ بغداد وبصرہ عدلیہ مفتشی محمد توفیق وقدس شریف صلح حاکمکنی نزدندہ تأسیس ایدیلن برنجی صنف معاونلکہ حلب صلح حاکم معاونلرندن محمد علی افندیلر نقل وتعیین اولنش وپلومر بدایت محکمہ سی رئیس عبدالعزیز افندیکن مستعفی عدلیہ ریاست منز کورہ محلی قاضیسی عہدہ سنہ تفویض قلمشدر .

۹ ذی القعدہ سنہ ۳۳۳ ۵ اغستوس ۳۳۱

بوارادہ سنہ نک اجراسنہ عدلیہ ناظری مأمورد

محمد رشاد

صدر اعظم
عبدلیہ ناظری
ابراہیم
محمد سعید

*
*

دیاربکر استیناف مدعی* عمومیلکنہ کلیبولی استیناف مدعی* عمومیسلی نعمان نعیم وقسطمونی مرکز مدعی* عمومیلکنہ ارطغرل بدایت محکمہ سی جزا دائرہ سی رئیس حسن لطفی وارطغرل جزا ریاستہ خداوندکار استیناف مدعی* عمومی معاونی نوری وقونیہ استیناف محکمہ سی اعضاسندن حلمی افندیکن تقاعدی اجرا قلمسنہ مبنی یرینہ جانیکن استیناف محکمہ سی اعضاسندن محمد صادق وجانیکن استیناف محکمہ سی اعضالغنہ نیکدہ بدایت

محکمہ سی مدعی عمومی خلیل حلمی ونیکہ بدایت محکمہ سی مدعی عمومی لادیق بدایت محکمہ سی
رئیس حسن فهمی ومعمورة العزیز استیناف محکمہ سی اعضاسندن راشد افدینک وقوع وفاته مبنی یرینه
سیوہ رک بدایت محکمہ سی جزا دائرہ سی رئیس عبدالقادر وکربلا بدایت محکمہ سی رئیس زین العابدین
افدینک عزلیله یرینه بغداد صلح حاکم معاونی مصطفی فوزی وکلیولی بدایت محکمہ سی حاکم معاونلکنه اردک بدایت
محکمہ سی رئیس عثمان رمزی واردک بدایت محکمہ سی ریاسته خداوندکار استیناف محکمہ سی اعضا ملازمی
حسن فهمی وزعفران بولی بدایت محکمہ سی رئیس اسماعیل حق افدینک استعفا مبنی یرینه آطه پزاری
بدایت محکمہ سی حقوق دائرہ سی رئیس احمد وفائی وآطه پزاری بدایت محکمہ سی حقوق دائرہ سی ریاسته
محکمہ مذکورہ جزا دائرہ سی رئیس محمدتسین وآطه پزاری بدایت محکمہ سی جزا دائرہ سی ریاسته فائسه
بدایت محکمہ سی مدعی عمومی احمد رائف ونوشهر بدایت محکمہ سی ریاسته محکمہ مذکورہ مدعی
عمومی محمد غری ومرتضیون بدایت محکمہ سی رئیس احمد حمدی افدینک مأموریت سابقه سی اولان
اردو بدایت محکمہ سی ریاسته ابقاسیله مرتضیون بدایت محکمہ سی ریاسته سکود بدایت محکمہ سی مدعی
عمومی مصطفی رشید وعجلون بدایت محکمہ سی ریاسته سویده بدایت محکمہ سی رئیس صالح وسویده
بدایت محکمہ سی ریاسته حما بدایت محکمہ سی اعضاسندن محمد ادیب ونیکہ بدایت محکمہ سی اعضاسندن
استپان افدینک عزلیله یرینه در سعادت استیناف جنحه محکمہ سی برنجی صنف ضبط کتبه سندن اعضا ملازمکنده
مسبوق الحدمه اسماعیل حق ورشادیه بدایت محکمہ سی مدعی عمومی لکنه صو شهری بدایت محکمہ سی مدعی
عمومی نوح فواد وصو شهری بدایت محکمہ سی مدعی عمومی لکنه شیران بدایت محکمہ سی مدعی عمومی
توفیق وشیران بدایت محکمہ سی مدعی عمومی لکنه مکتب حقوق مأذونلرندن زین العابدین وبهسی بدایت
محکمہ سی مدعی عمومی لکنه پالو بدایت محکمہ سی مدعی عمومی احمد حمدی وپالو بدایت محکمہ سی مدعی
عمومی لکنه عادجلواز بدایت محکمہ سی مدعی عمومی مصطفی فاضل وکربلا بدایت محکمہ سی اعضا لکنه بغداد
بدایت محکمہ سی اعضا ملازمی محمد عارف وطربزون بدایت محکمہ سی اعضا ملازمی بکر رحمی افدینک
مستغنی عدیلہ یرینه مکتب حقوقدن مأذون اسماعیل حق بک وافدیلر نقل وتعیین اولمشلردر .

بواراده سنیه نك اجراسته عدلیہ ناظری مأمورد .

۱۰ ذی القعدة ۱۲۳۳ ۶ ایلول ۱۳۳۱

محمد رشاد

صدر اعظم

محمد سعید

عدلیہ ناظری

ابراہیم

*

**

کلیولی استیناف محکمہ سی مدعی عمومی لکنه یوزغاد استیناف مدعی عمومی سابق احمد جودت وقرق
کلیسا استیناف محکمہ سی اعضاسندن واسیلاکی افدینک عزلیله یرینه جانیک استیناف مدعی عمومی
محمد آصف وجانیک استیناف محکمہ سی مدعی عمومی لکنه وان بدایت محکمہ سی جزا دائرہ سی رئیس خلیل

ابراہیم وبغداد صلح حاکم لکنی صنف معاونلکنه بغداد بدایت محکمہ سی اعضاسندن علی کال ولادیق
بدایت محکمہ سی ریاسته قیصری بدایت محکمہ سی اعضاسندن احمد فائق وقدر شریف بدایت محکمہ سی
اعضالکنه طراباس غرب بدایت محکمہ سی اعضالکنه آچقده قالان عبداللطیف و بغداد بدایت محکمہ سی
اعضالکنه منتفک مدعی عمومی عبدلواحد واما بدایت محکمہ سی اعضالکنه یافه بدایت محکمہ سی اعضا
ملازمکنندن مستغنی سعید حیدر وطراباس شام بدایت محکمہ سی اعضاسندن احمد مقدم افدینک تقاعده
سوقیله یرینه حلب بدایت محکمہ سی اعضا ملازمی عبدالحمد وزور بدایت محکمہ سی اعضاسندن اسحاق غانی
افدینک استعفا مبنی یرینه محکمہ مذکورہ اعضا ملازمندن سامی وانقره بدایت محکمہ سی اعضاسندن محمد
غالب افدینک تحویل مأموریت مبنی یرینه حقوق مأذونلرندن بکر فخری وچوروم بدایت محکمہ سی
اعضاسندن لازاراکی افدینک عزلیله یرینه قونیہ صلح محکمہ سی باش کاتبی مکتب حقوق مأذونلرندن مصطفی
نوری و قیصری بدایت محکمہ سی اعضالکنه عثمانجق مدعی عمومی محمد صدق وسعد بدایت محکمہ سی
اعضالکنه قسطنطونی بدایت محکمہ سی اعضاسندن یواناکی وخداوندکارولایتی استیناف محکمہ سی اعضا ملازمکنه
نازالی بدایت محکمہ سی مدعی عمومی حسین حفظی وسکود بدایت محکمہ سی مدعی عمومی لکنه ارطغرل
بدایت محکمہ سی اعضا ملازمی محمد آصف واورله بدایت محکمہ سی مدعی عمومی لکنه حوضه بدایت محکمہ سی
مدعی عمومی علی توفیق وحوضه بدایت محکمہ سی مدعی عمومی لکنه جانیک بدایت محکمہ سی مدعی
عمومی محمد بسیم وجانیک بدایت محکمہ سی مدعی عمومی لکنه بیلدیزایی بدایت محکمہ سی مدعی عمومی
احمد نافذ وزونفولداق بدایت محکمہ سی مدعی عمومی یونس بحری افدینک تقاعدی احرا قلمسنه مبنی یرینه
اردک بدایت محکمہ سی مستطقی مکتب حقوقدن مأذون عمر ونو شهر بدایت محکمہ سی مدعی عمومی لکنه
عربسون بدایت محکمہ سی مستطقی محمد ضیا وصور بدایت محکمہ سی مدعی عمومی لکنه حوران بدایت محکمہ سی
اعضالکنندن مستغنی یحیی فهمی وحلب بدایت محکمہ سی اعضا ملازمکنه قونیہ مکتب حقوقدن مأذون یوسف
صلاح الدین وعکا بدایت محکمہ سی مستطقلکنه حصن منصور بدایت محکمہ سی مستطقی عثمان ومعلقره بدایت
محکمہ سی مستطقی محمد نظیف افدینک تقاعده سوقیله یرینه قره مرسل بدایت محکمہ سی مستطقی عاکف
افدیلر نقل وتعیین اولمشلردر .

بواراده سنیه نك اجراسته عدلیہ ناظری مأمورد . ۱۴ ذی القعدة ۱۳۳۳ ۱۰ ایلول ۱۳۳۱

محمد رشاد

صدر اعظم

محمد سعید

عدلیہ ناظری

ابراہیم

قوانين و نظامات

سفر برلكده اركان وامرا وضابطان وافراد ومنسوبين عسكريه نك زوجات و محارمه

تعرض ايدنلره دائر قانون موقت صورتيدر

ماده : ١ سفر برلكده اداره عرفيه نك اعلان ودوامي مدتيجه برى وبحرى اركان وامرا وضابطان وضابط و كيللرى وضابط نامزدلرى وكوچك ضابطان واون باشى و نفرات ومنسوبين عسكريه نك زوجة واولادلرينه و عياللارنده بولنان سائر محارمه قارشو قانون عمومى جزانك ايكنجى بابنك اوجنجى فصليله قانون مذكورك ايكي يوز التجي ماده سنده مندرج افعالدين برينى ارتكاب ايدنلرك تعقيب ومحاكمه سى ديوان حربلره عائددر .

ماده : ٢ اشبو قانون تاريخ نشرندن معتبردر .

ماده : ٣ اشبو قانونك اجراى احكامنه هيئت وكلا مأمورددر .

مجلس عمومينك اجتماعنده قانونيتى تكليف اولمق اوزره اشبو لايحه قانونيه نك موقتاً موقع مرعيتيه وضعى وقوانين دولته علاوه سنى اراده ايلدم . ٢٨ شوال ١٣٣٣ و ٢٦ اغستوس ١٣٣١

حريه ناظرى وبحريه ناظرى وكيلى شيخ الاسلام و اوقاف هايون ناظرى صدراعظم وخارجيه ناظرى

انور خيري محمد سعيد نافعه ناظرى عدليه ناظرى وشوراي دولت رئيس وكيلى داخله ناظرى وماليه ناظرى وكيلى

عباس ابراهيم معارف ناظرى وتجارى وزراعت وپوسته وتلغراف وتلفون ناظرى وكيلى احمد شكرى طلعت

سلاح آلتنه آلتان مأمورين معاشاتى حقنده قانون موقت صورتيدر

ماده : ١ سلاح آلتنه آلتان مأمورين معاشاتى حقنده كى ٢٤ اغستوس سنه ١٣٣٠ تاريخلى قانون موقتك ايكنجى ماده سنه فقره آتیه تذييل اولمشدر .

« خدمت فعلية عسكريه لرينى صور مختلفه ايله بعد الايقاف سنلريله صنف احتياطة نقل ايدملك اوزره مأذون براقيلان افراددن سفر برلك سبيله تحت سلاحه آلتانلرك معاشاتى حقنده دخی بوجه ايله معامله اولونه جقدر »

ماده : ٢ قانون مذكورك اوجنجى ماده سنه فقره آتیه تذييل اولمشدر .
« برسنه لك خدمت مقصوره ايله تحت سلاحه آلتانلردن سنه سى ختامنده ترخيص اولونميا نلرك ترخيصلرينه قدر معاشلرينك بويولده اعطاسنه دوام اولونه جقدر .

ماده : ٣ قانون مذكورك بشنجى ماده سنه فقره آتیه تذييل اولمشدر .
« خدمت مقصوره ايله تحت سلاحه آلتانلردن احتياط ضابطى ويا وكيلى صفتى احراز ايدنلر حقنده عین صورتله معامله اولونه جقدر »

ماده : ٤ اشبو قانون ١ اغستوس سنه ١٣٣١ تاريخدن معتبردر

ماده : ٥ اشبو قانونك اجراسنه هيئت وكلا مأمورددر

مجلس عمومينك اجتماعنده قانونيتى تكليف اولمق اوزره اشبو لايحه قانونيه نك موقتاً مرعيتى وقوانين دولته علاوه سنى اراده ايلدم

٤ ذى القعدة سنه ١٣٣٣ و ٣١ اغستوس سنه ١٣٣١

محمد رشاد

حريه ناظرى وبحريه ناظرى وكيلى شيخ الاسلام و اوقاف هايون ناظرى صدراعظم وخارجيه ناظرى

خيري محمد سعيد

نافعه ناظرى عدليه ناظرى وشوراي دولت رئيس وكيلى

ابراهيم

تجارى وزراعت ناظرى معارف ناظرى وپوسته وتلغراف وتلفون ناظرى وكيلى

احمد نسيمى احمد شكرى

قانون جزانك ايكيوز آلتنجى ماده سى حقنده قانون موقت صورتيدر

ماده : ١ قانون جزانك ايكيوز آلتنجى ماده سنه فقره آتیه تذييل اولمشدر .
« سفر برلكده اداره عرفيه نك اعلان ودوامي مدتيجه عسکر زوجة واولادلرله عياللارنده بولنان سائر محارمه جبراً فعل شنيع اجرا ايدنلر اعدام اولتورلر »

ماده : ٢ اشبو قانون هر محله تاريخ اعلانندن اعتباراً اون بش كون صكره مرعيدر .

ماده : ٣ اشبو قانونك اجراسنه حريه وعدليه ناظرلرى مأمورددر .
مجلس عمومينك اجتماعنده قانونيتى تكليف اولمق اوزره اشبو لايحه قانونيه نك موقتاً مرعيتى وقوانين

دولته علاوه سنى اراده ايلدم . ٧ ذى القعدة سنه ١٣٣٣ و ٣ ايلول سنه ١٣٣١

محمد رشاد

عدليه ناظرى حريه ناظرى صدراعظم
ابراهيم انور محمد سعيد

دول مخصوصه و متفقری تبعه سی حقنده قانون موقت صورتیدر

ماده : ١ دول مخصوصه و متفقری تبعه سی حقنده ٢٤ تشرین ثانی سنه ٣٣٠ تاریخنده نشر و اعلان ایدلش اولان قوانین احکامی ٨ اغستوس سنه ٣٣١ تاریخندن اعتباراً ایتالیا تابعیتی حائر اولان اشخاص حقنده جاری اوله جقدر .

ماده : ٢ اشبو قانون تاریخ نشرندن اعتباراً مرعی الاجرادر .

ماده : ٣ بو قانونك اجراسنه عدلیه و مالیه ناظرلری مأموردر .

مجلس عمومینك اجتماعنده قانونیتی تكلیف اولنق اوزره اشبو لایحه قانونیه نك موقتاً مرعیتی و قوانین دولته علاوه سنی اراده ایلدم .

٧ ذی القعدة سنه ٣٣٢ و ٢ ایلول سنه ٣٣١ محمد رشاد
مالیه ناظری و کیلی عدلیه ناظری صدر اعظم
طلعت ابراهیم محمد سعید

محکمہ نمبر مقرراتی

محکمہ نمبر نمونہ در بری مقرراتی

محکمہ نمبر نمونہ در بری مقرراتی ١٥ کانون اول ٣٣٠ تاریخنده قراره ربط اولنانه اعلام صورتیدر :

« مدعی علیه طرفندن صاتیلق اوزره مدعی به کوندربلن متاعك مقداری مدعی نك اقرار ایتدیکی مقدار دن فضله اولدینی ادعا قلمسینه و میزله آنجق معاملات حسابیه بی تدقیق ایله مکلف اولسنه کوره مقدار متازع فیهك محکمه جه تدقیق ایدله یوب میزله راپورینه بناء حکم اولنسی مخالف قانوندر »

آقشهرک آلتون قلم محله سنده مقیم حاجی احمد زاده حاجی عیسی آغا ایله درسعادتده خوراسانجیان خاندنه ساکن زاره خوراسانجیان افندی بیننده متکون دعوایه دائر قونیه استیناف محکمه سندن تجارت صفقی ٢١٥ حزیران ٣٣٠ تاریخی و اون ایکی عددی ایله وریلوب مزبور حاجی عیسی آغا طرفندن تمیزاً تدقیق استعدا قلمان اعلام طرفینك اعتراض و جواب لایحه لر ایله برابر بالمطالعہ تدقیقات تمیزیه اجراسنه ابتدار قلندی .

اعلام مذکور مندرجاتنه کوره : مزبور زاره افندی آقشهر بدایت محکمه سی تجارت قسمنه باعریضال مراجعتله مزبور حاجی عیسی آغا ذمتنده بینلرنده واقع حساب جاریدن آلاجنی اولان بشیک یوز آلتش

یدی غروشتك مع فائض تحصیلنی طلب و دعوی ایتسنه قارشو مدعی علیه دخی مدعی به برای فروخت کوندردیکی ایکی بیک طقوز یوز قیه تیفتكك نه وقت و قاچ غروشه فروخت اولدینی و نه مقدار تسلیاتی اولدینی معلوم اولمادینی جهتنه حسابی تفصیلاً بیان ایتسنی و تدقیق حساب ایچون کیفیتک میزله حواله سنی مدافعه بیان و انبا ایتسنی اوزرینه محکمه جه کیفیت میزله بالحواله اولبایده وریلان راپورده مذکور تفیکك اوچیکك آلتیوز اللی ایکی کیلو مقدارند اولدینی شمندوفر قومپانیه سندن جلب و تدقیق اولنان قولشمنتو منادندن تین ایتدیکی بیان اولنهرق مقدار مذکور مدعی مومی الیه قبول و تصدیق ایتدکدن و مدعی علیه حاجی عیسی آغا ایسه بومقدار مدعاسندن یتش قیه قدر نقصان اولوب جالبو که تفیکك مقداری کندی ادعا کرده سی اولان آف الیان مقدار ایدوکنی مصرأ سوبلدکدن صکره اجرا قلمان محاکمه و تدقیقات نتیجه سنده عندالحاکمه ابراز اولنان پلانچو و مکاتیب مندرجاتیه میزله طرفندن معطی راپور مؤداسنه نظراً مدعینك مدعی علیه ذمتنده بشیک غروش التمشیدی چند غروش آلاجنی اولدینی اکلاشله سنی مبنی مبلغ مذکورك مدعی علیهدن مع فائض تحصیلنه دائر وریلان اعلامك عندالاستیناف تصدیقنه حکم و قرار ویرلدیکی اکلاشلمشدر .

مستدعی حاجی عیسی آغا طرفندن وریلان لایحه ده : عندالحاکمه مدعی به کوندردیکی تفیکك مدعینك تحت اقرارنده بولنان مقدار دن فضله اولدینی حقنده درمیان ایلدیکی ادعاسنك نظر دفته آلتیه رق اصول محاکمه به مخالف صورتده اجرای تدقیقاتی محتوی راپور مندرجاتنك مقبول و معتبر عدلیه برمنوال محرر قرار ویرلمسی یولسز و مغایر قانون اولدیغندن بختله اعلامك نقضی و لایحه جوابیه ده دخی غیر وارد اولان اعتراضات مذکورده نك ردیه موافق اصول و قانون اولان اعلام مذکورله تصدیق طلب واستعدا اولنمشدر . ایجابی لدی المذاکره خصوص مدعی هر نه قدر برمنوال محرر حکم و اعلامه ربط اولنمش ایسه ده مدعی علیه طرفندن صاتیلق اوزره مدعی به ارسال قلمش اولان تیفتیکلرک مقداری مدعی طرفندن اقرار اولنان مقدار دن فضله اولدینی اول و آخر ادعا قلممقدمه اولسنه و میزله پروزی و مشوش اولان معاملات حسابیه بی تدقیق ایله مکلف اولوب بوکی مدعیاتك اصول و قانون دائره سنده تدقیق محکمه به عائد و ظاهندن بولنسنه کوره تجارت محکمه سنك مذکور تیفتیکلرک مقداری حقنده تدقیقات اجرا ایتماش اولسندن طولای استینافاً شوجهنك اصلاح و اکالی مقتضی ایکن محکمه استینافیه جهده بالذهول میزله راپورینك محقق عدلیه آکا بناء حکم ابتدائینك تصدیقنه قرار ویرلمسی مغایر قانون اولدیغندن اصول محاکمه حقوقیه قانوننك ایکوز اوتوز ایکنجی ماده سی موجبجه اعلام مذکورك نقضیه ایکوز قرق دردنچی ماده سی حکمنه توفیقاً کیفیتک بالرؤیه اعلامه ربطی ضمنتده محکمه مذکوریه اعاده سنه وزیرده مفردات و معطیسی محرر مصارفك ایلروده حقسنر حقیقه حق طرفه عائد اولسنه ١٥ کانون اول ٣٣٠ تاریخنده متفقاً قرار ویرلدی .

محكمة تعيين حقوق دائره سنده صادر اولوب ٥ ثانويه ٣٣٠ تاريخه قراره برطاولانه اعلام صورتيه :

« متوفيه نك مهر و امضاسني حاوي اولديني ادعا ايديلن ابرنامه مندرجاتي مومي اليهانك ورثه صغاري وصيسي و وكلي طرفندن اعتراف اولمقده ايسه ده وصي و وكيلك صغار عليهنده كي اقرارالري معتبر اولامايه جفندن مهر و امضاتك اصولاً تحقيقي لازمدر »

آقره ولايتي داخنده اياش قصبه سنده متمكن فتحاه حاجي محمد افندي زاده سعيد وحاجي موسي زاده حاجي شكري افنديله آقره نك خواجه هندی محله سنده مقيم سر عطار زاده متوفي احمد افندي زوجه سي متوفاه رمية خانم ايتامك وصيسي محمد افندي بنده متكون دعوايه دائر آقره ولايتي استيناف حقوق محكمه سندن ١٠ تشرين ثاني ٣٣٠ تاريخي والي عددي ايله ويريلوب مومي اليهاما سيد و شكري افنديل طرفندن تميزاً تدقيقي استدعا قلنان اعلام باش مدعي عموميك مأموريت عليه سنك مطالعه نامه سي آندقدنصكره طرفينك اعتراض وجواب لايحه لريله برابر بالمصالحه تدقيقات تميزيه اجراسنه ابتدار اولندي .

اعلام مذكور مندرجاتنه كوره وصي مرقوم محمد افندي آقره مركز بدايت محكمه سنده باعرضحال مراجعتله متوفي احمد افندي زوجه سي رمية خانمك برقطعه سند موجبجه ومومي اليهاما سيد وشكري افنديل كفالتيله جهت قرضدن حسن افندي ذمتنده الاجبي اولان اوچيوز سكسان اوچ عدد ايراي عثمانينك افندي مومي اليهانك وفاتي وقوعه يكسبي حسيله استيفاسنه موفق اوله مامش ومبلغ مذكور بحسب الورثه ايتام مرقومه يه انتقال ايتمش اولديغندن بحثله بحسب الكفاله مومي اليهاما سيد وشكري افنديلردن مع فائض واجراي موقت تحصيلني طلب ودعوي ومذكور سندی ابراز واعطا ايتمشه قارشو مدعي عليهاما سيد وشكري افنديلر دخي طلب ايديلان آچه ايتامك والدهلري رمية خانمندن موروث اولديني ومديون حسن افندي دخي وفات ايتديكي جهته تركه سي اولاد صغارينه عائد اولوب والدهلري منيره حاتم وصيلري بولنديغني و هرايكي طرف صغ اولوق حسيله دعواي واقعه نك فصل وفسخي محكمه شرعيه يه عائد ونظام محكمه سندنك وظيفه سندن خارج ايدوكني واساس مدعي قرض اولمايوب متوفاه رمية خانمه پدرندن مورث املاك وارضی وسائر دهه كي حصه ارثيه سي على طريق الخنارج اوچيوز سكسان ليرا مقابلنده برادري مديون حسن افندي يه ترك و فراغ ايدرك معامله سنك اجراسني تعهد ايتديكني وذمتني ابرا ايتمش اولغله برابر معامله فراغيه اجرا ايدلمكسرين رمية خانمك وفاتي وقوعه كمش اولديغني وشو صورتله مديون حسن افندي اوزرينه مضمون بر بورج اولماديغني ومستند ادعا اولان سندنك دخي حكمي قلماديغني ووصي منبره حاتمك ينده موجود اولوب متوفيه رمية خانم طرفندن متوفي حسن افندي يه حال حياتنده ويريلان وعين سند تاريخيله مؤرخ اولان ايرا نامه مندرجاتيله صدق مدعاري محقق اولديغني ومديونك برائتي كفليك برائتي موجب اوله جني جهته اصول محاكمه حقوقيه قانوننك يوز اون بشنجي ماده سي موجبجه وصي منبره حاتمك دخي شخص ثالث

صفيله اشبو محاكمه يه ادخالي لازم كله جكي كي مديونك تاريخ وفاتندن اعتباراً فائضك دخي منقطع اوله جني مدافعه ايتا ايتدكدن وشخص ثالث صفيله منبره حاتم دخي رمية حاتمك ايتامي نامه كفلاسي عليه اقامه اولنوب اليوم محاكمه سي اجرا قلمقده اولان دعواي مذكور نك وصيسي بولنديغني مديون حسن افندينك ايتامي حقوقه طوقمقده اولديغندن وخصوصيله مدانده ابراي ناطق بر قطعه سند دخي بولنديغندن بحثله كندوسنك داخل محاكمه ايدلمسني باعرضحال ادعا ومذكور ابرا سندن ابراز و ارايه ايدلكدن و بالتذكر اساس دعوي اقراض واستقراضدن عبارت اولديغني جهته مدعيلرك وظيفه ادعاريه شخص ثالث منبره حاتمك دخول في الدعوي عرضحالتك ردينه قرار ويرلدكدنصكره اساس دعوي حقتنده جريان ايدن محاكمه وتدقيقات نتيجه سنده مدعي محمد افندينك تحت وصايتنده بولنان ايتامك والدهلري متوفيه رمية حاتمك مدعي عليهاما حاجي شكري وسيد افنديلرك ذمتنده جهت كفالتندن باسند اوچيوز سكسان اوچ ليرا آلاجي اولديغني مدعي عليهامانك عندالحاكمه وقوعبولان اقرارلريه تحقق ايتمش اولديغندن بحثله نك بيك سكزيوزاون يدنجي ماده سي موجبجه مبلغ مذكورك بحسب الكفاله مدعي عليهامان تحصيليله مدعي يه اعطاسنه و جديد مراتجه نظامنامه سنك دردنجي ماده سي موجبجه مبلغ مذكورك سنده كي انقضاي مدت تاريخندن بالاعتبار مديون حسن افندينك تاريخ وفاتنه دكين گذشته يوريدلمسنه واندن صكره كي مدت ايچون گذشته نك انقطاعنه وحكم واقعتك موقتاً اجراسنه دائر محكمه مذكوره دن ويريلان اعلام عليهنده مومي اليهاما حاجي شكري وسيد افنديلرله وصي منيره خانم طرفلرندن اير و اير و اقامه اولنان استيناف دعواسنك يكديكرينه ارتباطي حسيله توحيد آرؤيتي قرار كير اولدقدنصكره اساس ماده حقتنده اجرا قلنان محاكمه وتدقيقات استينافيه نتيجه سنده دعوي تركيه اضافته ورته دن اولمايوب آنجق بر حيات اولان كفيلار عليهنده اقامه اولنمش اولديغني حاليه رأس المالك اصل مديون اولديغني بيان ايديلان حسن افندينك وفاتنه دكين گذشته سنك قبوليله مومي اليهانك وفاتندن صكره كي گذشته نك عدم قبولك يولسزلغندن دولاي اعلام مستانف بهك بونقطه يه عائد قسمنك تعديله وكفلا ايسه كرك بدايه وكر كسه استينافاً اعطا يتدكاري لايحه جوابيه لرنده كفالتلريني اقرار ايللرينه واعلام مبحوث عنده مندرج اساس دين سندنك كفالت شرخنده ايسه مكفول بهي مع فائض تأديه ايدم جكلريني شرط وتعهد ايتلرينه وشرطه بقدر الامكان مراعات اولنق لازم كله جكنه ودعواي حاضرده هنوز شخص ثالثك حقوقنه تأثير ايدر برجهته ده بولنماديغنه واجراي موقت حكمي ده اسباب ثلاثه قانونيه دن برينه مستند بولنديغنه مبنی اعلام مذكورك اقسام سائر سندنك تصديقه ومبلغ مدعاهك انقضاي وعده دن بالاعتبار حين تسويه سنه دكين جديد مراتجه نظامنامه سي موجبجه رأس المال تجاوز ايتامك اوزره گذشته نظاميه سنك يوريدلمسنه حكم وقرار ويرلديكي آكلاشلمشدر .

مستدعي تميزلرك اشبو حكم عليهنده لايحه لرنده محرر اعتراضلرينك خلاصه سي داين ايله مديونك وفات ايدرك وارثلرينك صغير اولملري حسيله دعواي حاضرده نك فصل وحسي محكمه شرعيه يه عائد ونظام محاكمه سنك

وظیفه سندن خارج اولدینی کی مبرز ابرا نامده کوسترلدیکی وجهله مستند ادعا اولان سندده محرر مبالغه املاک و اراضی بدلی اولدینی و بونلرک هنوز معامله فراغیه سنک اجرا قلمدینی و شو صورتله سندک حکمی قالمدینی حالده کرک درجه اولی و کرکسه درجه ثانیه محکمه لریجه بورالرینک نظر اعتباره التامسی احکام قانونیه منافی اولدیغندن بخله اعلامک تقضی و جواب لایحه سی مؤداسی دخی اعتراضات مسروده نک واهی و بی اساس اولدینی بیانیه ردی و موافق اصول و قانون اولان اعلام مذکورک تصدیقی استدعاسندن و آلف الیان مطالعه نامه مالی ده لایحه تمیزیه ده کرک وظیفه و کرک جهات سائر حقه سرد ایدیلان اعتراضات موافق اصول و قانون اولان اعلام تمیزیه مندرجاتنه کوره غیروارد اولدینی بیانندن عبارت بولنشد.

اول امرده مستدعیر طرفندن وظیفه حقه درمیان اولان اعتراضک بالتدقیق ردینه اتفاقله قرار ویرلکدنصکره اساس ماده نک ایجابی مذاکره اولندقد و فاته رمیه خانمک مهر و امضاسنی حاوی بولندینی ادعا اولنان ۲۸ شباط ۳۱۹ تاریخلی ابرنامه مندرجاتی مومی الیهانک ورثه صفاری و صیسی و کیلی ارمناک افندی طرفندن اعتراف اولنقد ايسه ده کرک وصی و کرک وکیلک صفار علیه وقوعبولان اقرارلری معتبر اولمیه جفندن سند مذکور زیرنده کی مهر و امضانک اصولاً تحقیق اولنهرق متوفاه مومی الیهیه عاذه اولدینی تین ابتدکی حالده مذکور اوچیز سکسان اوچ عدد عثمانلی لیراسنی مجلس عقدده ترکیه واضع الید بولنان قرنداشی حسن افندیدن اخذ و قبض ایتدکدن صکره یدینه ویردیکی عین تاریخ ایه مورخ سند موجبجه قرنداشی مومی الیه اقرض ایلدیکندن مورثلرندن کنديسه اصابت ایدن حصص شایعه قرنداشی حسن افندی به مأموری حضورنده مجاناً فراغ ایده جکنه دائر اقرار صریحی حاوی اولسنه و فی الحقیقه مذکور قرض سندی دخی کذلک ۲۸ شباط ۳۱۹ تاریخنی محتوی بولنسنه نظراً قرضاً ویرلدیکی بیان اولنان مبالغه مذکورده نک بدل صلحدن عبارت اولدینی و مومی الیه رمیه خانمک تعهدی وجهله عقارات مزبورده کی حصه لری حسن افندی به فراغ ایتدکسزین وفات ایتش اولدینی حالده صلحک باطل و بدک فضولی اولهرق ویرلش اوله جنی درکار ویردین مدیون اوزرینه مضمون اولمادینی تقدیرده کفیللرک مسئولیتی اقتضا ایتیه جکی بدیدار بولنش اولدیغندن استیناف محکمه سنجه مذکور سند مندرجاتی نظر اعتباره آله رق زیرنده کی مهر و امضا حقه تدقیقات لازمه اجرا و مزبورده رمیه خانمک قبل الوقات تعهدی وجهله املاک و اراضیده کی حصص مصیبه سی برادری حسن افندی به مأموری حضورنده فراغ ایدوب ایتدیکی تحقیق اولنقسزین اعلام ابتدائیتک تصدیقته قرار ویرلسی یولسز و مغایر قانون اولدیغندن اصول محاکمه حقوقیه قانوننک ایکی یوز اوتوز ایکنجی ماده سی موجبجه اعلان مذکورک تفضیله قانون مذکورک ایکی یوز قرق دردنجی ماده سنک فقره اولاسی حکمنه توفیقاً کیفیتک صورت محرره دائره سنده بالرؤیه اعلامه ربطی ضمنتده محکمه مذکورده اعاده سنه واشبو تمیز دعواسندن طولای اختیار اولوب زیرده مفردات و معطیسی کوستریلان مصارف تمیزیه نک ایلروده حقسنز حقیقه جق طرفه عاذه اولسنه ۵ کانون نانی ۳۳۰ تاریخنده اکثریتله قرار ویرلدی.

فکر تمیز حقوق دائره سنده صادر اولوب ۱ شباط ۳۳۰ تا پنجمه قراره ربط اولنامه اعلام صورسیر .

محکمه جه مبرز جکره کشیده جی نک مخاطب زردنده کی مطلوبی استیفایه مخصوص اولوب تأدیه امرینی حاوی بولنان برسند نظریله دقیلاماز .

مدلی باقه سنک سوکه شعبه سی تصفیه مأمورلری و کیلی از میرده آی یورکی سواقنده حمضلی حاجی طومه فرخانه سنده ساکن قره بت مانو قیان افندی ایه سوکه قصبه سنک قوناق محله سنده مقیم تجارتدن یوسف اغازاده حاجی بکر بیننده متکون دعوايه دائر سوکه قضاسی بدایت محکمه سندن تجارت صفی و ۱۷ تشرین نانی ۳۲۹ تاریخنی ویتش درت عددیه ویریلوب مزبور قره بت افندی طرفندن تمیزاً بدقیق استدعا قلنان اعلام بالکسز مستدعی تمیزک اعتراض لایحه سیله بالمطالعہ تدقیقات تمیزیه اجرا سنه ابدار قلندی اعلام مذکور مندرجاتنه نظر آمزبور قره بت افندی ۳ نیشان سنه ۳۲۶ تاریخندن اعتباراً تمید ایدیلان حساب جاریدن متباقی مرقوم حاجی بکر ذمتنده الاجقاری اولان قرق درت لیرا التمش سانتیمک تحصیلی حقه اقامه ایلدیکی دعوانک اجرا قلنان محاکمه و تدقیقاتی نتیجه سنده مبرز اوچ عدد جکدن ایکسینک مهری مدعی علیه اولدینی ثابت اولدیغندن مذکور جکره استناداً و اوچنچیسینک مهری مدعی علیه اولدینی تحقق ایده مدیکندن انک حقه ده مدعی علیه یمنندن استکافه تعلیقاً مبلغ مدعی بهک تحصیلنه دائر غیاباً صادر اولان اعلام علیه مرقوم حاجی بکر اعتراض علی الحکم استدعاسی اعطا و اثنای محاکمه ده جک مخاطبده بولنان موجود اچته نک حاملی طرفندن آلمسی ایچون تنظیم قلنان برسند اولدینی و بوده کشیده جینک مخاطب زردنده بولنان پاره سی حاملی طرفندن النسنندن عبارت بولندینی و کشیده جی به قارشنی کندی جکیله دعوی ایدانک لازم کلیه جکنی و متعرض علیه و کیلی دخی معترض ایه باقه بیننده حساب جاری اولدینی درمیان ایللری اوزرینه اجرا قلنان محاکمه و تدقیقات نتیجه سنده جک ماهیتی اعتباریه کشیده جی شخص آخر زردنده موجود و کندی امرینه تابع بولنان مطلوبی تماماً و یا قسماً کندی و یا بر شخص ثالث منفعتنه اولهرق اخذ و استیفایتمکی صالح و تأدیه امرینی حاوی بر سند اولسنه و معترض مذکور جکره باقه ده موجود مطلوبی استیفایتمکدن صکره باقه نک مذکور جکره دعوی ایتسی عقلاً و قانوناً تجویز اولنه مایه جفته و اساسی صحیح اولیان بر دعوا ده یمین ده توجه ایده منه جکنه بناءً مجله نک بیک التیوز اوتوز و اصول محاکمه حقوقیه نک یوز الی سکسز و یوز اوتوز سکسزنجی ماده لری موجبجه مدعی نک غیر صحیح اولان دعواسنک ردیه حکم غیابینک فسخ و ابطالنه حکم و قرار ویرلدیکی اکلا شلمشدر .

تمیز قره بت افندی طرفندن اعطا قلنان لایحه تمیزیه ده مستند ادعا اولان جکرک کشیده جینک شخص آخر زردنده موجود و کندی امرینه تابع بولنان مطلوباتی کندی و یا بر شخص ثالث منفعتنه اولهرق اخذ و استیفایه صالح و تأدیه امرینی حاوی برسند اولسندن طولای باقه نک مذکور جکر ایه مدعی علیه قارشو

دعوى ايدمه جگندن بختله دعوالرينك ردينه قرار ويرلمسى يولسز ومغاير اصول وقانون اولديغندن بختله اعلامك نقضى طلب واستدعا ايدلمشدر .

ايجابى مذاكره اولدوقده هر نه قدر خصوص مدعى بروج بالا بالرؤيه تحت حكمه التمش ايسه ده مدعى مدلى بانقه سنك سوكه شعبه سى وكيلى طرفندن مدعى عليه حاجى بكر ذمتنده ٣ نيسان سنه ٣٢٦ تاريخندن اعتباراً مدق تديد ايديلان حساب جاريدن متولد اوله رق اوچ قطعه جكه مستنداً بانقه نك الاجنى اولدينى ادعاقلان مبلغ مدعى بهك مدعى عليه حاجى بكر طرفندن بانقه دن استدان اولدينى وبوكي جكلرك انحق كشيده جينك مخاطب نزدنده بولان موجود اچقه سنى اخذ واسترداد ايلك مقصديله احداث ولور انلره وضع امضايديلر الزام ايدمه جكلرى يولنده سبق ايدن افاده سى اوزرينه محكمه جه طرفين بيننده كى حساب جارينك ماهيتى و طرفيندن هانكي سنك داي و هانكي سنك مديون قالدني تحقيق اوله رق حاصل اوله جق تيجه به كوره حكم ويرلمسى لازم كلورايكن محكمه جه مبرز جكلره كشيده جى طرفندن مخاطب نزدنده كى مطلوبى استيفايه مخصوص تأديه امرى حاوى برسند نظريه بافيله رق دعوانك غير صحيح عدليه ردينه قرار ويرلمسى يولسز ومخالف اصول وقانون اولديغندن اصول محاكمه حقوقيه قانونك ايكوز اتوزز ايكي وايكوز قرق برنجى ماده لرى موجبجه اعلام مذ كورك نقضيله قانون مزبورك ايكوز قرق درنجى ماده سنك فقره اولاسى حكمه توفيقاً كيفيتك اوصورتله بالرؤيه اعلامه ربطى ضمتنده محكمه مذ كورده اعاده سنده و زيرده مفردات ومعطيسى محرر مصارف تميز يه نك ده ايلروده حقسز چيقه جق طرفه عائد اولمسنه ١ شباط سنه ٣٠٠ تاريخنده متفقاً قرار ويرلدى .

مكلمه نميز استدعا دائره سندن

مكلمه نميز استدعا دائره سندن صادر اولوب ١١ اغستوس ٣٣١ تاريخنده قراره ربط اولنان اعلام صورتيدير :

« فلان تاريخده متولد اولديغندن بختله تصحيح سننه قرار ويريلن كيمسه طرفندن اقامه ايديله جك شهودك استماعى لازم اولدينى كى ظاهر حالك دخی دعوايى مكذب اولماسى صحت دعوانك شروطندر . »

فتحيه قضاسى بدايت محكمه سى حقوق دائره سندن صادر اولان ٧ نيسان سنه ٣٣١ تاريخلى اعلامك تميزيى مستدعى قضاي مذ كور نفوس مأمورى طرفندن ويريلن استدعا نامه و اوراق متفرعه سى باش مدعى عموميلك مأموريت عليه سندن باتبليغ نامه محكمه تميز استدعا دائره سنده توديع اولغله لى التدقيق مذ كور استدعا نامه نك مدت قانونيه سى طرفنده ويرليكي آكلاشيدليغندن بالقبول تدقيقات تميز به اجراسنه ابتدار اولدى .

اعلام مذ كورك خلاصه مالى ولى مخدومى محمدك تصحيح سنى حقه ده اقامه ايدليكي دعوانك سبق ايدن محاكمه سى نتيجه سنده مرقومك اوچيوز اون درت سنه سى جزيراننده تولد ايتديكي شهادتله ثابت اولديغندن اول وجه ايله تصحيحاً قيدينك اجراسنه قرار ويرليكي متضمندر .

تميز استدعا نامه سنده مرقوم محمدك ابراز ايتش اولدينى نفوس تذ كره سى كندوسنك اولمايوب وفات ايدن برادرينه عائد اولدينى حقه ده كى ادعاسنك نظر اعتباره آلتايوب ده مرقومك قول مجردينه وشاهدلردن بالكر برينك افاده سنه بناء تصحيح سننه حكم اولمسى مغاير قانون ايدوكندن بختله اعلام مذ كورك نقضى استدعا اولمش وتبليغ نامه ده دخی نفوس مأمورى اوچيوز بكرى سنه سنده اجرا ايديلن تحرير نفوسده مستدعينك حاضر اولدينى حالده اوچيوز سكر تولدى اوله رق تسجيل ايديلن محمدك متوفى ادرى اولمايوب بالذات كندوسى اولدينى درميان ايتسنه واوچيوز اون درت سنه سنده تولد ايتديكى تضمن ايدن شهادت كى بوكى سن دعوالرنده ظاهر حالى مكذب اولماسى ايله مشروط بولمسنه كوره محكمه محليه جه بو نقطه لره ده حاله نظر ايديله رك ومرقومك حقيقه وفات ايتش برادرى اولوب اولمايغنى تاريخ تولد و وفاتيله برابر تحقيق اوله رق تين ايدمه جك حاله كوره قرار اعطاسى لزومنه قارشى بوندن ذهول ايدلمش اولمى مستلزم نقض احوالدين كورولمش واستدعا نامه ده بوكا تماس ايدن اعتراضات بجا بولمش اولغله مذ كور اعلامك بوسيدن نقضى طلب اولمشدر .

ايجاب كيفيت لى المذاكره محكمه جه اوچيوز اون درت تولدى ولديغنى ثبوتندن بختله تصحيح سننه قرار ويريلن حاجى وض اوغلى محمد طرفندن اقامه ايديلن شهودك بعدالتحليف افاده لرينك استماعى ١٤ اغستوس سنه ٣٣١ تاريخلى سجل نفوس قانونك اونبرنجى ماده معده سى احكامندن اولدينى كى ظاهر حالك دعوايى مكذب اولماسى دخی صحت دعوانك شروطندن بولمش ايكن محكمه جه شهود مرقو - مذكرك تحليصنى و ظاهر حالك بوجه محرر دعوايى مكذب اولوب اولمايغنى بيان وتصريحى ايحاب ايدر كن بو جهات مهمه دن بالذهول بر منوال محرر قرار ويرلمسى يولسز ومغاير اصول وقانون اولغله اعلام تميزهك نقضيله احكام قانونيه دائره سنده ايفاي معامله اولمق اوزره اوراق متعلقه سنك محكمه مذ كوره به اعاده سنه ١١ اغستوس سنه ٣٣١ تاريخنده متفقاً قرار ويرلدى .

مكلمه نميز استدعا دائره سندن صادر اولوب ١٢ اغستوس ٣٣١ تاريخنده قراره ربط اولنان اعلام صورتيدير :

« تصحيح سنن قيد واسم معاملتنه متعلق دعوالرك رؤيتى بدايت محاكمى حقوق ، ونفوسه متدائر منازعا نك ده بدايت محاكمى جزا دائره لرينه عائدتي صراحت قانونيه مقتضاسى اولديغندن دعاوى مذ كوره نك صلح محكمه لرنيجه وظيفه نقطه سندن ردى لازمدر . »

قيرشهرى بدايت محكمه سى جزا دائره سندن صلح صفتيله صادر اولان ١٠ شباط ٣٣٠ تاريخلى اعلامك تميزاً تدقيقى طلبى حاوى مدعى عمومى معاونلىكي طرفندن ويريلن استدعا نامه و اوراق متفرعه سى باش مدعى عموميلك مأموريت عليه سندن باتبليغ نامه محكمه تميز استدعا دائره سنده توديع اولمش ولدى التدقيق

مذکور استدعای نامہ نك مدت قانونیہ سی طرفندہ اعطا قلندی اكلالشدش ایدو كندن بالقبول تدقیقات تمیزہ اجراسنہ ابتدار اولندی .

اعلام مذکورك خلاصۀ مالی كندوسنی سجل نفوسه قید ایتدیرمدی ادا اولنان حاجی حسین اوغلی احمد حقندہ کی دعوانك رؤیت وتدقیقی مجلس اداریہ عائد اولدیغنه قرار ویرلدیكنی متضمندر .

تمیز استدعای نامہ سنده مظلون مرقوم حقندہ کی دعوی مذکورہ نك محكمه جه رؤیتی لازم ایكن برمنوال محرر قرار ویرلمسی مغایر قانون ایدو كندن بخله اعلام مذکورك نقضی استدعا اولمش وتبلیغنامہ ده دخی بلاعذر كندولرینی سجل نفوسه قید ایتدیرمه مش اولان ذکور وانانك یكرمی بش غروشدن الی غروشه قدر جزای تقدی به محكوم اوله جقلری و جزای تقدی بی ویرمیان نفوس ذکورك بهر یكرمی بش غروش و كسوراتنه بدل یكرمی درت ساعت حبس اوله جقی نفوس نظامنامہ سنك اون اوچنچی ماده سنده مصرح واشبو محكومیت قیدینك محاکمۀ برقرار اعطایی صورتندہ جریان ایدہ جکی بدیهی وواضح اولوب بناء علیه بویولده سوق اونان نفوسك اشبو حرکتلری تدقیق اولنه رق بلاعذر وقوعه كلدیكنك ثبوتی حالندہ بروجہ محرر تعیین مجازات و معامله اولمنسك محاکم جزائی به عائدیتی دركار بولمش اولسنه نظراً محكمه جه کیفیتك مجلس اداریه عائد اولدیغنه قرار ویرلمسی مغایر قانون اولوب تمیز استدعای نامہ سی مندرجاتی وارد كورلمش اولدیغندن مذکور قرارنامہ نك نقضی طلب اولنشددر .

ایجاب کیفیت لدی المذاكره نفوس قانوننك اون برنجی ماده سی ناطق اولدیغنی اوزره تصحیح سن وقید و اسم معاملاتنه متعلق دعاوینك رؤیتی بدایت محاکمی حقوق دائرہ سنه عائد اولدیغنی کی سكرنجی واون التبیجی ماده لری احكامندن استنباط واستدلال اولندیغنه كوره نفوسه متدائر تكون ایدن دیگر منازعاتك دخی بدایت محاکمی جزا دائرہ سنده رؤیتی مقتضی اولسنه مبنی محلی محكمه صلیحیه سنجه اساساً وظیفه نقطه سندن ردی لازم كن دعوی حاضره بالقبول رؤیتك مجلس اداریه عائدیتی حقندہ قرار اتخاذ اولنسی یولسنز ومغایر قانون اولنله اعلام میز بهك تفضیله احكام قانونیه دائر سنده ایفای معامله اولنقی اوزره اوراق متعلقه سنك محكمه مذکوریه اعاده سنه ۱۲ اغستوس ۳۳۱ تاریخندہ متفقاً قرار ویرلدی .

محكمه تمیز استدعا دائرہ سنده صادر اولوب ۱۵ اغستوس ۳۳۱ تاریخندہ قراره ربط اولنانه اعلام صورنیدر :

« بر کیسه نك حیوانات وطوارینك هلاكنه ویا مجروحیتنه سبب اولانلرك حرکتی قانون جزانك ایکی یوز الی طقوزنجی ماده سی موجبنه مسئولیتلرینی ایجاب ایتدیكندن بوخصوصده عدم مسئولیت قرارینك اتخاذی مخالف قانوندر »

معموره العزیز ولایتی مرکز بدایت محكمه سندن صلح صفتیله تنظیم واعطا قلنان ۱۸ مایس ۳۳۱ تاریخ وقرق درت نومرولی اعلامك تمیزاً تدقیقی طلبنی حاوی محكمه مذکوریه مدعی عمومیلکی جانبندن معطی

استدعای نامہ ایله اوراق متفرعه سی باش مدعی عمومیلک مأموریت علیه سندن باتبلیغنامہ محكمه تمیز استدعا دائرہ سنه تودیع اولمش ولدی التدقیق مذکور استدعای نامہ نك مدت قانونیہ سی طرفندہ اعطا قلندی اكلالشدش اولدیغندن بالقبول تدقیقات تمیزه اجراسنہ ابتدار ایدلدی .

اعلام مذکورك خلاصۀ مالی عبداللهك بر رأس اینكنك آیاغنی طاشله شكست ایتدیکی ادعاسیله مظلون علیه اولان نافذك اجرا قلنان محاکمہ سی نتیجه سنده مذکور حیوانك هنوز ائتلاف ایدلامش وبوبابده قانون جزا ده تعیین جزای مؤید صراحت بولنامش اولسنه بناءً مذکور حیوان تلف اولدیغنی تقدیرده ایجاب قانونیسنه توسل ایدلك اوزره مظلون مرقومك عدم مسئولیتنه قرار ویرلدیكنی متضمندر .

تمیز استدعای نامہ سنده قانون جزانك یکی یوز الی طقوزنجی ماده سنه استدعا دعوی حاضرده مظلون علیه طاش آتمق صورتیله مذکور حیوانك مجروحیتنه سبب اولدیغنی و بناءً علیه فعل مذکور مستلزم مجازات افعالندن بولدیغنی حالده محلی محكمه سنجه بورالری نظر دقتہ آلتقسزین برمنوال محرر اتخاذ قرار اولنسی مخالف اصول وقانون ایدو كندن بخله اعلام مذکورك نقضی استدعا قلندیغنی کی تبلیغنامہ ده دخی ذکر اولنان اعتراضات بجا اولدیغنی بیانیله مذکور اعلامك اسباب محرره به مبنی نقضی طلب اولنشددر .

ایجاب کیفیت لدی المذاكره طاش آتہ رق بر کیسه نك حیوانات وطوارینك هلاكنه ویا مجروحیتنه سبب اولانلرك حرکتلری قانون جزانك ایکی یوز الی طقوزنجی ماده سی موجبنه مسئولیتلرینی اقتضا ایلسنه مبنی مظلون علیه نافذك بویله بر حرکتہ جراتی ثابت اولدیغنی تقدیرجه ماده مذکوریه موجبنه محكومیتی موجب اولدیغنی حالده بعض مطالعات سردیله مرقومك عدم مسئولیتی حقندہ قرار اتخاذی مخالف اصول وقانون اولدیغندن قرار میز بهك تفضیله احكام قانونیه دائر سنده ایفای معامله اولنقی اوزره اوراق دعوانك محله اعاده سنه ۱۵ اغستوس ۳۳۱ تاریخندہ متفقاً قرار ویرلدی .

محكمه تمیز استدعا دائرہ سنده صادر اولوب ۱۷ اغستوس ۳۳۱ تاریخندہ قراره ربط اولنانه اعلام صورنیدر .

« بدایت محكمه سنجه حکم قطعی به اقتران ایدن ذات دعوانك درجه ثانیه ده تدقیق وقراره ربطی مقتضی اولوب اوراقنك محكمه بدایتہ اعاده سی جائز دکلدر . »

قونیہ ولایتی بدایت محكمه سی جزا دائرہ سندن استینافاً تنظیم واعطا قلنان ۲۸ مارت ۱۳۳۱ تاریخ وسكر نومرولی اعلامك تمیزاً تدقیقی طلبنی حاوی محكمه مذکوریه مدعی عمومیلکی جانبندن معطی استدعای نامہ ایله اوراق متفرعه سی باش مدعی عمومیلک مأموریت علیه سندن باتبلیغنامہ محكمه تمیز استدعا دائرہ سنه تودیع اولمش ولدی التدقیق مذکور استدعای نامہ نك مدت قانونیہ سی طرفندہ ویرلدیکی اكلالشدش اولدیغندن بالقبول تدقیقات تمیزه اجراسنہ ابتدار اولندی .

اعلام مذکورك خلاصۀ مالی محمدك اوکوزلرینی سرقت ایدنلره یناقلق ایتدیکی ادعاسیله مظلون علیه

اولان حاجی وهابک برسنه حبسنه دائر غیاباً ویریلن حکم علیهنده اعطا قلنان اعتراض استدعایه سنک ردیی حاوی بدایه صادر اولان اعلامک عندالاستیناف مظنون علیه مرقوم اعتراض محاکمه سنده کیفسزلکی حسینیه بولنه میه جغه دائر کشیده ابتدیی تلغرافنامه نظر اعتدایه آلمانسندن طولایی فسخیله دعوانک محاجه اعتراضاً ووجاهاً تدقیق ضمننده اوراقلک اعاده سنه قرار ویرلیدی متضمندر .

لایحه تمیزیه ده اصول محاکات جزائی قانوننک یوز طقسان التنبی ماده سی صراحتنه کوره استیناف محکمه سنجه اساس دعوانک رؤیتی لازم کلور ایکن بروجه محرر قرار ویرلش اولسنک مخالفت قانونیه سنندن بحثله اعلام استینافینک نقضی استدعا اولنش وتبلیغنامه ده دخی محکمه بدایجه ذات دعوی قرار قطعی به ربط ایدلش واصله متدائر نواقصدن طولایی اعلام ابتدائی فسخ اولندی تقدیرده اساس دعوانک درجه ثانیه ده تدقیق محکمه استینافینک جمله وظائفندن بولنش اولسنه نظراً محکمه استینافینک بروجه بالا قرارنده اصابت قانونیه کوریه مدیکنه متدائر اولان لایحه تمیزیه مندرجاتی وارد اولدینی بیانیله مذکور اعلامک نقضی طلب اولنشددر .

ایجاب کیفیت لدی المذاکره درجه اولی محکمه سنجه مظنون علیه حاجی وهابک تحدید جزاسنی متضمن حکم غیابی علیهنده اعطا ابتدیی اعتراض استدعایه سنک ردینه دائر ویریلن اعلام ابتدائی عندالاستیناف فسخ ایدلسنی متعاقب محکمه مذکوره جه حکم قطعی به اقرارن ایتش اولان ذات دعوانک درجه ثانیه ده تدقیق وقراره ربطی مقتضی اولوب اوراقلک محکمه بدایته اعاده سنه جواز قانونی بولنامش ایکن محکمه استینافیه جه کیفیت صورت مشروحه دائره سنده رؤیت و تدقیق لزومندن بالذهل بروجه محرر قرار اعطاسی یولسز ومغایر اصول وقانون اولغله اصول محاکات جزائی قانوننک اوچوز اون دردنجی و اوچوز اون طقوزنجی ماده لری موجبجه اعلام تمیزیه نک قضیه احکام قانونیه دائره سنده ایفای معامله اولنقی اوزره اوراق متعلقه سنک ذکر اولنان محکمه استینافه اعاده سنه ۱۷ اغستوس ۱۳۳۱ تاریخنده متفقاً قرار ویرلدی .

محکمہ تمیز استدعا دائره سنده صادر اولوب ۱۸ اغستوس ۱۳۳۱ تاریخنده قراره ربط اولنانه اعلام صورتیبر :

« افراد عسکرینک سفر برلک اثناسنده وظائف امور و انضباطیه لرندن دولایی ایقاع ایتدکلری جرائمک تحقیقات ومحاکاتی اجرا به دیوان حرب صلاحیتداردر . »

قرتال قضاسی صلح محکمه سنندن صادر اولان ۲۵ کانون اول ۳۳۰ تاریخلی اعلامک نقضی حقدنه عدلیه نظارت جلیله سنندن ویریلن امر تحریری اوزرینه اولباده کی اوراق باش مدعی عمومیلک مأموریت علیه سنندن باتبلیغنامه محکمه تمیز استدعا دائره سنه تودیع اولنغله مطالعه اولندی .

ذکر اولنان تبلیغنامه ده ایفای وظیفه اثناسنده طقوز یاشنده کی بهاءالدین نام چوجنی طاشله جرح ایلدیکی ادعاسیله مظنون علیه اولان ژاندارمه حسینک محکمه مذکوره جه اجرا قلنان محاکمه سی نتیجه سنده

دمیریولنده اوینامقده اولان چوجقلری قورقوتقی ایچون آتدینی طاشک قضاء بهاءالدینه تصادفله بغیر قصد یاره لسنه سبیت ویردیکی ثابت اولدیغندن قانون جزانک یوز سکسان اوچنجی ماده سی موجبجه مرقومک برهفته مدته حبسنه قرار ویرلیدی وطریق قانونیسنه عدم مراجعت نتیجه سی اوله رق حکم مزبورک کسب قطعیت ایلدیکی منضم اولوب تدقیقات واقعه یه کورده مظنون علیه ژاندارمه حسین سفر برلک وحال حرب حسینیه سوقیات عسکریده استعمال ایدلمکده اولان اناطولی شمندوفر خطنک محافظه سنه مأمور افراددن بولندی و سفر برلک اثناسنده افراد عسکرینک وظائف مأموره وانضباطیه لرندن طولایی یقاع ایتدکلری جرائمک تحقیق ومحاکمه سی دیوان حربله عائد بولندی حالده محکمه مذکوره جه بوجهت نظر اعتباره النیرق مرقوم حسینک بروجه محرر محکومیتنه قرار ویرلسی یولسز ومغایر اصول وقانون کورلش اولدیغندن بحثله اصول محاکات جزائی قانوننک اوچوز قرق یدنجی ماده سی حکمنه توفیقاً حکم مزبورک بر موجب امر تحریری نقضی طلب اولنشددر .

ایجاب کیفیت لدی المذاکره امر تحریری به معطوف تبلیغنامه ده محرر اولدینی اوزره مظنون علیه ژاندارمه حسین حال حرب حسینیه سوقیات عسکریده استعمال ایدلمکده اولان شمندوفر خطنک امر محافظه سنه مأمور افراددن بولنسنه وسفر برلک اثناسنده افراد عسکرینک وظائف مأموره وانضباطیه لرندن طولایی ایقاع ایتدکلری مواد جرمیه دن طولایی تحقیقات ومحاکات اجرایی دیوان حربله عائد ایکن محکمه صلحیه به وظیفه خارجنده رؤیت دعوا به مسارعتله بروجه محرر قرار اعطاسی یولسز ومغایر اصول وقانون اولغله اصول محاکات جزائی قانوننک اوچوز قرق یدنجی ماده سی موجبجه فقره حکمیه نک بر موجب طلب نقضه ۱۸ اغستوس ۱۳۳۱ تاریخنده متفقاً قرار ویرلدی .

محکمہ تمیز استدعا دائره سنده صادر اولوب ۲۲ اغستوس ۱۳۳۱ تاریخنده قراره ربط اولنانه اعلام صورتیبر :

« مظنون علیهمک بر جرمندن دولایی مقدماتی محاکمه لری اجرا وحکم انفاذ اولندقدن سوکرا عین جرمندن دولایی تکرار محاکمه لرینک اجرا سیله جزایه محکوم ایدللی مخالف قانوندر . »

اسکدار بدایت محکمه سی جزا دائره سنندن صادر اولان ۲۳ کانون ثانی ۳۲۸ و ۳۲۹ حزیران ۳۲۹ تاریخلی ایکی قطعه اعلامک نقضی حقدنه عدلیه نظارت جلیله سنندن ویریلن امر تحریری اوزرینه اولباده کی اوراق باش مدعی عمومیلک مأموریت علیه سنک تبلیغنامه سیله محکمه تمیز استدعا دائره سنه تودیع اولنغله مطالعه اولندی .

ذکر اولنان تبلیغنامه ده آثار وعلائمی قابل ستر واخفا اولیه جق صورتده سرخوش اولملرندن واجرای وظیفه حالنده مأمورین ضابطیه یی تحقیر و پولیس اسماعیل حق افندی بی ایفای وظیفه اثناسنده ضرب ایللرندن

طولای مظنون علیهم اولان شیرین بنت عبده وصاله بنت عثمان و فاطمه نام دیگر عرفان بنت احمد و مصطفی ذهنی افندینک خانه سنی طاشلادیغی ادعاسیله کذلک مظنون علیها مزبوره صالحه و قره غول قیوسی قیرمق صورتیله ایران خسار اولمسندن طولای کذلک مظنون علیها مزبوره شیرین حقلرنده محکمه مذکوره جه ایکنجی دفعه ده اجرا قلنان محاکمه لری نتیجه سنده بونلردن فاطمه و صالحه نک سرخوش اوله رق شیرین قادیله برابر مأمورین ضابطه یه حقارت ایلدکلی اصولاً ثابت اولدیغندن قانون جزانک یوز اوچنجی ماده سنه توفیقاً فاطمه و صالحه نک سرخوشقلری سبب شدت طوتیه رق برر آی و شیرین قادیلک یکریمی کون حبسلرینه و مزبوره شیرین قادیلک قره غول قیوسی قیردیغی ثابت اوله مدیغندن برائته متدائر اتخاذ اولنان ۲۸ حزیران ۳۲۸ تاریخی حکم و قرارک عندالتبلیغ طریق قانونیسنه توسل ایدلیه رک اکتساب قطعیت ایلسنه مبنی حکمی انفاذ قلندیغی و اخیراً محکمه مذکوره جه مزبوره لرک عین جرمندن طولای غیباً اجرا قلنان محاکمه لری نتیجه سنده مزبوره صالحه نک آلتی بحق ماه و شیرین قادیلک اون بش کون و فاطمه نک اون کون مدتلره حبسلرینه ۲۳ کانون نانی ۳۲۸ تاریخده قرار ویریله رک عندالتبلیغ بونلردن صالحه قادیلک طرفندن اعتراض ایلدکله مزبوره نک اعتراض علی الحکم طریقله و جاهاً جریان ایدن محاکمه سی نتیجه سنده مدتی ظرفنده اعطا قلنمش اولدیغی اکلاسیلان اعتراض استدعاسنک قبولی و حکم غیابینک کان لم یکن عدیله محاکمه سنک بالاجرا مزبوره نک بروجیه محرر فعل مذکوره اجتناسی رهین مرتبه ثبوت اولدیغندن الی ماه اون کون مدتله حبسنه قرار ویرلدیکی و طریق قانونیله مرأجت ایدلامسندن ناشی ایکنجی حکم غیابی حاوی حکم ایله اعتراضاً و وجاهاً صادر اولان حکم اخیرک اکتساب قطعیت ایلدکلی منقهم اولمش و تدقیقات واقعیه نظراً مظنون علیهم مزبوره لرک فعل مذکوردن طولای مقدماً محاکمه لری اجرا و نتیجه یه ربط و حکمی انفاذ اولندقدن صکره عین جرمندن طولای تکرار محاکمه لرینک بالاجرا یینه حبس جزالینه محکوم ایدلملری یولسز و مخالف اصول و قانون بولنمش اولدیغندن اصول محاکمات جزائییه قانونسک اوچوز قرق یدنجی ماده سنه توفیقاً ایکنجی دفعه اتخاذ اولنان قرار غیابی و بوندن مزبوره صالحه نک اعتراضی اوزرینه صادر اولان حکم وجاهی متضمن حکم اخیرک نقضی طلب اولمشدر .

ایجاب کیفیت لدی المذاکره امر تحریری به معطوف و مندرجاتی بالاده مرقم تبلیغنامه ده درمیان ایدیلن سبب وارد و مستلزم نقض احوالندن اولغله اصول محاکمات جزائییه قانونسک اوچوز قرق یدنجی ماده سی موجباً ایکنجی دفعه اجرا اتخاذ اولنان قرار غیابی ایله مزبوره صالحه نک اعتراضی اوزرینه صادر اولان حکم وجاهینک بر موجب طلب سبب مذکوره مبنی نقضه ۲۲ اغستوس ۳۳۱ تاریخده متفقاً قرار ویرلدی .

حکم تمیز استدعا دائره سنده صادر اولوب ۲۲ تموز ۳۳۱ تاریخده قرار ربط اولنانه اعموم صورتمیر :

« میری اورماننده کی اشجارک احراقندن دولای مظنون علیهم اولانلرک برائتینه دایر ویریلن حکم ابتدائی علیهنده اورمان اداره سی وکیل طرفندن درمیان ایدیلن اعتراضاتک محکمه استینافیه جه ردینی مستلزم اسباب تصریح ایدلیه رک حکم ابتدائینک تصدیقی مخالف قانوندر . »

قسطمونی ولایتی مرکز بدایت محکمه سی جزا دائره سندن استینافاً تنظیم واطا قلنان ۲۳ شباط ۱۳۳۰ تاریخ و بیسک یوز ایکی نومرولی اعلامک تمیزاً تدقیقی مستدعی محلی اورمان اداره سی جانبندن معطی استدعایله ایله اوراق متفرعه سی باش مدعی عمومیلک مأموریت علیهنده سندن با تبلیغنامه محکمه تمیز استدعا دائره سنه تودیع اولنمش و لدی التدقیق مذکور استدا نامه نک مدت قانونیسه سی ظرفنده اعطا قلندیغی آکلاسیلش اولدیغندن بالقبول تدقیقات تمیزیه اجراسنه ابتدار ایدلدی .

اعلام مذکورک خلاصه مالی میری اورمانندن چام اشجارینک احراقه سبب اولدقلری ادعاسیله مظنون علیهم اولان منصور افندی ایله رفقاسنک فعل مذکوره فعلاً اجتناسی ایلدکلی آکلاسیله مامش اولمسندن ناشی برائتینه دایر بدایت لاحق اولان حکمک اورمان اداره سی جانبندن استیناف اولنمش اوزرینه سبق ایدن تدقیقات نتیجه سنده موافق اصول و قانون اولان حکم ابتدائی مذکورک تصدیقه قرار ویرلدیکی متضمندر .

لایحه تمیزیه ده ضبط ورقه سنی امضا ایدن کسانک بدایت محکمه سنجیه عندالاستماع مذکور ورقه یه مخالف صورته ادای شهادت ایتلمینه مبنی مبیانت واقعیه نک حلی ضمنده تعمیق تحقیقات ایدلامش و شهود مرقومه نک اورمان مأمورلری ایله مواجهه لری اجرا قلنامش اولماسنک عندالاستیناف تشکیل ایلدیکی اسباب فسحیه نظردفته آلتفسزین بروجیه محرر اتخاذ قرار اولنمش مخالف اصول و قانون ایدو کندن بختله اعلام استینافینک نقضی استدعا قلندیغی کی تبلیغنامه ده دخی ذکر اولنان اعتراضات عندالاستیناف دخی بسط و تمهید ایدیله رک اسباب ردیه سی کوسترلماش اولماسی اعتباریه وارد و مستلزم نقض اسبابدن اولدیغی بیانیله مذکور اعلامک نقضی طلب اولمشدر .

ایجاب کیفیت لدی المذاکره میری اورماننده کی چام اشجارینک کیفیت احراقندن طولای مظنون علیهم اولان منصور افندی ایله رفقاسنک برائتینه متدائر اولان حکم ابتدائی علیهنده دعوی استینافییه قیام ایدن اورمان اداره سی وکیل جانبندن تعیین ماده صورتیه درمیان ایدیلن اعتراضاتک عطفاً حکم مذکورک فسحی بیان و ادعا قلنمش و محاکم استینافیه جه شایان قبول کورلیان بوقیل مدعیاتک ردینی مستلزم اولان احوال و کیفیاتک بیان و تصریحی اصولاً مقتضی بولنمش ایکن محکمه استینافیه جه اعتراضات مذکوره حقلنده صورت مشروحه دائره سنده ایضاحات و تفصیلات لازمه ویرلمکسزین سالف الیان حکم ابتدائینک تصدیقی

جهته كيدلسی یولسز ومغاير اصول وقانون اولغله اصول محاکات جزائیہ قانوننك اوچيوز اون دردنجی و اوچيوز اون طقوزنجی ماده لری منظوقچه اعلام میزبهك تفصیله احكام قانونیه دائره سنده ایفای معامله اولنق اوزره اوراق دعوانك محله اعاده سنه وایکیوز غروش اعلام خرجنك تعرفه وتعلیمات مخصوصه سی موجبجه ایلروده حقسز چیه حق طرفدن استیفا سنه ۲۲ تموز ۳۳۱ تاریخنده متفقاً قرار ویرلدی .

محكمة تمیز جزاء دایره سی مقرراتی

محكمة تمیز جزاء دایره سنده صادر اولاره ۱۸ اغستوس ۳۳۱ تاریخنی ۲۱۹۴ نومردلی اعلام صورنیرد :

« جنحه افعالنده تعیین جزا اکثریت آرایه تابع اولوب جنحه فعلی حقنده جنایت ماده سنه قیاساً واکا تبعاً ایکی رأی ایله برائت قراری ویریله من . »

سعد سنجائی بدایت محکمه سی جزا دائره سندن تنظیم واعطا قلنان ۵ رجب ۳۳۳ و ۵ مایس ۳۳۱ تاریخنی و بش نومردلی اعلامك زوجہ سی فاطمہ نك جرحندن برائت عائد جهتنك تمیزاً تدقیق حقنده محکمه مذ کوره مدعی عمومیلکندن معطی استدعانا مه ایله اوراق متفرعه سی باش مدعی عمومیلک مأموریت علیہ سندن ۱۴ رمضان ۳۳۳ و ۱۴ تموز ۳۳۱ تاریخنی و بیک بش یوز طقسان اوچ نومردلی تبلیغنامه ایله ۱۶ تموز ۳۳۱ تاریخنده محکمه تمیز جزا دائره سنه تودیع ایدلمش ولدی التدقیق استدعانا مه نك مدت قانونیه سی طرفنده ویرلدیکی آکلاشلمش اولغله بالقبول اوراق موجوده قرائت اولندی .

اعلام مذ کورك خلاصه مالی اوچيوز اتوز سنه سی اغستوسنك یکریمی سکزننجی کونی پنظورقریه لی بدری یشار بن غنوی قتل وزوجه سی فاطمہ نی جرح ایلدیکی ادعا قلمسندن دولای جنایتله اتهام اولنان مجیدك اجرا قلنان محاکمه سی نتیجه سنده متهم مرقومك افعال مذ کوره دن دولای تجربیمی حقنده اکثریت ثلثان آرا حاصل اوله مدیغندن برائتیه تخلیه سنه ۲۹ تموز ۳۳۱ تاریخنده حکم اولندیغندن عبارتدر .

مدعی عمومیلکك لایحه تمیزیه سنده جنحه افعالنده تعیین مجازات اکثریت آرایه تابع اولدینی و مذ کور جرح فعلنك ثبوتی حقنده هیئت حاکمه دن اوچ ذات طرفندن بیان رأی اولدینی حالده بوجهندن ذهول ایله جنحه فعلنك جنایت ماده سنه قیاساً واکا تبعاً مذ کور جرح جهندن ده ایکی رأی ایله برائتیه قرار ویرلمی مستلزم تقض اولدیغندن بحثله اعلامك بو جهتنك نقضی استدعا قلمشدر .

مذ کور تبلیغنامه ده دخی متهمك برائت ذمتی حالنده بو حکمی متضمن اعلامك اصول محاکات جزائیہ قانوننك اوچيوز اون بشنجی ماده سنه تطبیقاً و مجرد قانونك حسن جریاتی محافظه مدعی عمومیلرک برائت حکمنه خلل کلامك شرطیه تمیز دعوایه صلاحیتلری اولوب ماده مذ کوره یه استناد ایتیمان آنف الیان تمیز استدعاسنك ردی طلب ایدلمشدر .

جهت میزبه دن دولای تدقیقات تمیزیه اجرا اولندقدہ مدعی عمومیلکجه قتلدن برائتی متضمن جهت تمیز ایدلیوب متهمك زوجہ سی فاطمہ نی ضرب و جرح ایتك فعلنك فاعلی اولدیغنك ثبوتی حقنده اوچ رأی حاصل اولمش ایکن بوجهنده جنایتله قیاساً ثلثان اکثریت آرائیه رق متهمك تبریه ایدلمی یولسز اولدیغنه دائر ایشك جنحه جهتی حقنده تمیز استدعاسی وقوعبولمش اولسنه کوره اوچيوز اون دردنجی و اوچيوز اون طقوزنجی مواد قانونیه یه استناد ایدلمی مصیب اولدینی جهته تبلیغنامه ده درمیان ایدیلان مطالعه نك وارد کوریله مدیگندن لایحه تمیزیه ده سرد اولنان اعتراض دخی مندرجات اعلامه نظراً وارد و مصیب اولدیغندن اصول محاکات جزائیہ قانوننك سالف الذکر اوچيوز اون دردنجی و اوچيوز اون طقوزنجی ماده لریه توفیقاً جنحه جهتنك تفصیله احكام قانونیه دائره سنده ایفای معامله اولنق اوزره اوراقك محله اعاده سنه ۲۱ تموز ۳۳۱ تاریخنده متفقاً قرار ویرلدی .

محكمة تمیز جزاء دایره سنده صادر اولاره ۳۰ اغستوس ۱۳۳۱ تاریخنی ۲۴۷۵ نومردلی اعلام صورنیرد :

« محبوسینك ، چالیشدیردقلری انشاءت محلدن قاچهرق بر مدت تغیب ایتلمی فرار جرمی تشکیل ایدوب کنیدیگنلرندن عودت و تسلیم نفس ایله ملری جرم مذ کوری ازاله ایدمن ، انجق اسباب مخففة تقدیریه دن اولور . »

آیدین سنجائی بدایت محکمه سی جزا دائره سندن صادر اولان ۲۵ جمادی الاخر ۳۳۳ و ۲۷ نیسان ۳۳۱ تاریخنی و یکریمی درت نومردلی اعلامك تمیزاً تدقیق حقنده محکمه مذ کوره مدعی عمومیلکندن معطی استدعانا مه ایله متفرعاتی باش مدعی عمومیلک مأموریت علیہ سندن ۱۳ شوال ۳۳۳ و ۱۱ اغستوس ۳۳۱ تاریخنی و بیک طقوز یوز یکریمی طقوز نومردلی تبلیغنامه ایله ۱۳ اغستوس ۳۳۱ تاریخنده محکمه تمیز جزا دائره سنه تودیع ایدلمش و استدعانا مه مذ کورك مدت قانونیه سی طرفنده اعطا قلندیغنی لدی التدقیق آکلاشلمش اولغله بالقبول مطالعه اولدی .

اعلام مذ کورك خلاصه مالی قتل ماده سندن دولای صورت قطعیه ده بشرسنه مدتله کورکه محکوم ایکن چالیشمقده بولوندقلری انشاءت محللرندن فرار ایدرک دردست ایدیلان چینه نك قدری کوی قریه سندن محمد اوغلی محمد و عثمان اوغلی احمدك اجرا قلنان محاکمه لری نتیجه سنده مرقومانك بر قاچ کون مفارقتله کوبلرینه کیدوب کلرنده مستلزم جزا بر حال کوریله مدیگندن عدم مسئولیتلرینه ۲۷ نیسان ۳۳۱ تاریخنده حکم اولندیغندن عبارتدر .

مدعی عمومیلکك لایحه تمیزیه سنده مظلون مرقومانك جانب حکومتدن انشاء ایدیلن محلدن فرار ایلدیکی ثابت اولدینی حالده محکمه جه مرقومانك شوفراری موقع جزادن فرار اولدینی جهته فرار جرمی تشکیل ایدمنه جکندن بحثله عدم مسئولیت قراری اعطاسی مغایر قانون اولدینی بیانیله قرار مذ کورك نقضی استدعا ایدلمشدر .

تدقیقات تمیزیه اجرا اولندقدہ تبلیغنامہ دہ دخی بیان اولدینی وجهله مرقومان محمد و احمدك قوه ضابطه نك محافظه سی آلتندہ چالیشدیرلدقلمری انشا آت محلندن قاجهرق اوچ کون موقع جزالندن تغیب ایتلمریله فرار جرمی تمام اولمش دیمك اولغله مرقومانك کندیلککوردن عودت وتسليم نفس ایللمری جرم مذکوری رفع وازاله ایدهمیوب انجق اولوجهله عودتلمرینك اسباب مخففه تقدیریه تشکیلی ایدہ بیلہ جکی درکار ایکن بوجهت قانونیه عطف نظر دقت اولنفسزین مرقومانك عدم مسئولیتلمری یولنده اتخاذ قرار اولنسی مخالف قانون ولایحه تمیزیه مندرجاتی بوصورتله وارد کوردلیکندن اصول محاکات جزایه قانوننك اوچوز اون دردنجی ماده سنه توفیقاً اعلام مذکورك نقصنه واحکام قانونیه دائره سنده ایفای معامله اولنق اوزره اوراقتك محله اعاده سنه ۱۶ اغستوس ۱۳۳۱ تاریخنده متفقاً قرار ویرلدی .

محکمه تمیز جزا دائره سنده صادر اولره ۳۰ اغستوس ۱۳۳۱ تاریخلی ۲۴۲۱ نومرولر اعلام صوریندر:

« مقدما ایقاع ایدیلن سرقندن طولای کورك جزاسنه محکومیت، محکومك اهلیت جزایه یی حائر اولماسنه مبنی بر ای اصلاح نفس حبسه تحویل ایدلیکنه کوره محکومیت مذکوره تکرره اساس اولماز »

عینتات سنجانی بدایت محکمه سی جزا دائره سنندن صادر اولان ۲۵ مایس ۱۳۳۱ تاریخلی و اوتوزیدی نومرولی اعلام ایله اوراق متفرعه سی باش مدعی عمومیلک مأموریت علیه سنندن ۲۰ شوال ۱۳۳۳ و ۱۸ اغستوس ۱۳۳۱ تاریخلی و ایکی بیک یوز نومرولی تبلیغنامہ ایله ۱۹ اغستوس ۱۳۳۱ تاریخنده محکمه تمیز جزا دائره سنه اعطا قلنمشدر.

اعلام مذکورك خلاصه مالی وچوز اوتوز سنه سی تشرین ثانیسنك اوز، ایکنجی کونی عینتاتک جویز ایچه محله سنندن عرب محمدك اوغلی عبداللهك خانه سنندن اشیاسنی سرقت ایلدیکی ادعا قلنمسنندن دولای جنایتله اتهام اولنان که نك محله سنندن نقیب اوغلی علینك اجرا قلنان محاکمه علیه سی نتیجه سننده متهم مرقومك دیواردن آشوق و مقفل صندوق قیرمق صورتله سرقت مذکوره جراتی ثابت اولدیغندن مجرمیتله وقانون جزانك ایکوز یکرمنجی و مکررلکی حبسیله سکرنجی ماده لرینه توفیقاً تقدیر ایدیلان اوچ سنه کورك جزاسنك بر مثلنك ضمیله آلتی سنه یه ابلاغ ایدلمسنه و آنجق حین ایقاع جرمدہ اون بش یاشنی اکال ایتامش بولنسی جهتله قانون مذکورك قرقنجی ماده سنه تطبیقاً مذکور آلتی سنه کورك جزاسنك ربی اولان بر یحق سنه مدتله حبسنه و بش سنه ضبطیه نظارتی آلتنه آلمسنه ۲۶ نیسان ۱۳۳۱ تاریخنده حکم اولدیغندن عبارتدر.

اوراق دعوی بعدالمطالعہ تدقیقات تمیزیه اجرا اولندقدہ تبلیغنامہ دہ دخی بیان اولدینی وجهله مرقومك مقدما ایقاع ایلدیکی سرقندن طولای محکوم اولدینی کورك جزاسنك اهلیت تامه جزایه یی حائر اولماسنه بناء بر ای اصلاح نفس حبسه تحویل ایدلمش اولسنه نظراً محکومیت مذکوره سنك تکرره اساس اتخاذیله

تضعیف جزاسی جهتله کیدلمسی مخالف قانون بولنش اولدیغندن اعلام مذکورك اصول محاکات جزایه قانوننك اوچوز اون دردنجی ماده سنه توفیقاً نقصنه و احکام قانونیه دائره سننده یفای معامله اولنق اوزره اوراقتك محله اعاده سنه وایکیوز غروش اعلام خرجنك ایلروده حقسنز چقه جق طرفدن تحصیلنه ۲۳ اغستوس ۱۳۳۱ تاریخنده متفقاً قرار ویرلدی .

مندرجات

۲۰ ايلول — ۱۳۳۱

قسم رسمي

مخبره
ومرور

- (۱) — آخر محله نقل ايدلين اشخاصك اموال
وديون ومطلوبات متروكسى حقنده
۱۳ ايلول ۳۳۱ ۶۹۶۷
- (۱) — ضرورت اولادجه بلديه اطبا سنك محاكمه
دعوت ايدله لمرى حقنده
» » ۳ ۶۹۶۹
- (۲) — دول مخاصه تبعه سندن اولان اطبانك
اجراى طبابتدن منع ايدللىرى حقنده
» » ۲۲ ۶۹۷۰
- (۳) — كفالتله تخليه ايدلين مظنونلرك دعوتيه
عدم اجابتلىرى حالنده كفالت الحقه سنك
اصول تحصيلي حقنده
» » ۲۷ ۶۹۷۰
- (۱) — مختلف ديونى اولان دايىن حقنده
۱۷ شباط ۳۳۰ ۶۹۷۱
- (۲) — اجراد اثره سنجه صاتيلا عقارك فراغ معامله
سنك اجرايى حقنده كي تذكره طابو اداره سنه
ورود ايد بجه يه قدر معاملات اجرايى نك
ختم بولمش عد ايديله ميه جكنه دائر
» » ۲۲ ۶۹۷۳
- (۳) — مدعى عليهك شهود طرفنه اخبار اولنان
اقرارى قرائن حكمدن اولاماياجقنه دائر
» » ۲۱ ۶۹۷۵

قوانين ونظامات

تعليمات عموميه

»
»
»

محكمه تميزه مقوم دائره سى مقرراتى

»
»
»

٦٩٧٧	٣٣١	٥	اغستوس	(١) اورمان تخریباتنه متعلق مواد جریمہ نیک محاکم صلحیہ نیک دائرہ صلاحیتندن خارجدر			
٦٩٧٨		١٠		(٢) خصوصی کیرچ استحصال و احراق رخصت استحصالنه منوط دکلدر	»	»	»
٦٩٨٠		١٦		(٣) مجازات تأدیبیہ فی مستلزم افعال ایچون حقوق عمریمہ و شخصیه دعوالرینک الک صوک معامله تاریخندن اعتباراً اوچ سنه صوکرا ساقط اوله جنی حقنده	»	»	»
٦٩٨١		١٨		(٤) مظنون علیه یوم محاکمده حاضر بولمادینی حاده اجرا ایدیله جک معامله حقنده	»	»	»
٦٩٨٢		٢٣		(٥) تکرار تصحیح سن جائز اولامایه جنی حقنده	»	»	»
٦٩٨٣		٢٣		(٦) تمغا قانونک ماده مخصوصه سنده کی اوراق پولدر ویا پلی نقصان قبول ایدنلر حقنده اجراسی مقتضی معامله به دائر	»	»	»
٦٩٨٤		٢٣		(٧) وفاتی ، نفوس اداره سنه اخبار ایتمه نیک حقوق محکمه سنه تعلقی اولمادینی حقنده	»	»	»
٦٩٨٥		٢٥		(٨) تصحیح سن و متفرعاتی معامله سنک ناصل اجرا ایدیله بیله جکی - قنده	»	»	»
٦٩٨٦		٢٩		(٩) صاحب - سنک دیگر بریاشده بولوندینی حقنده مجرد تقدیر ایلله قرار اتخاذی موافق اولمادینی حقنده	»	»	»

٦٩٨٧		٣	ایلول	(١) عفو قانونک جنایت محکومین غایبیه سنه عدم شمولی حقنده			
٦٩٨٨		٣		(٢) مجروحک - ماینه راپوری قطعی المفاد اولمادینی حاله یا بیله جق معامله حقنده	»	»	»
٦٩٨٩		٣		(٣) فعلی شنیع دعوا سنده مجرمیت قرارنده تصریحی بحاج ایدن شیر حقنده	»	»	»
٦٩٩٠		٣		(٤) فعل شنیع دعوا سنده جبراً قا - یر بلیق فعله اسباب ثبوتیه سنک قرار مجرمیده توضیحی حقنده	»	»	»
٦٩٩٠		٦		(٥) جبراً قیر قاجیر مق فعلی متعاضد لرینک عفو قانونندن مستفید اولامایه جق قنده	»	»	»
٦٩٩٣		٦		(٦) اسباب مخففه نیک صور ثبوتیه سنه عائد احوالک قرار مجرمیده توضیحی حقنده	»	»	»
٦٩٩٣		٦		(٧) متهمک مداف وکیلنک صفت وکالتی نیک اعلامده تصریحی حقنده	»	»	»
٦٩٩٣		٦		(٨) جبراً قیر قا - یر مق و فعل شنیع ماده نیک آیری آیری فعللر اولدوغی حقنده	»	»	»